



Australian Embassy
Timor-Leste

COVID-19



11 Juñu 2021

Mensajen husi Embaixador Austrália ba Timor-Leste, Peter Roberts



Photo credit: Marie Stopes Timor-Leste.

Ho ita hakat tama ba tinan klaran, ita kontinua serbisu hamutuk hodi hatan ba dezafiu hirak ne'ebé mak mosu tanba COVID-19. Desde ami nia buletín notisia ikus liu iha fulan ida liu ba, kazu hamutuk liu 4,000 mak rejista ona, ho nune'e total número ba kazu to'o 8,000 kazu konfirmadu desde pandemia ne'e hahú.

Felizmente, Timor-Leste nia kampaña vasinasaun hala'o ho lais. Iha kuaze fulan rua nia laran de'it, hala'o ona vasinasaun hamutuk 90,000. Kuaze porsentu 20 husi populasaun sira iha Dili mak simu ona sira nia doze vasina dahuluk.



Iha fulan liu ba, Austrália halo ona:

- 01 Fornese pakote rekuperasaun ekonómia ho montante osan dolar Australianu millaun 20 (maizumenus dolar Amerikanu millaun 15.5) hodi tulun uma kain no estimula atividade ekonómiku. Osan ne'e sei tulun finansia projetu infraestrutura komunitaria hamutuk 244 liuhosi Programa Nasionál Dezenvolvimentu Suku (PNDS). Fundus ne'e sei mós tulun governu hodi estabelese pagamentu apoia sosiál foun ida ho naran Bolsa da Mãe Jerasaun Foun ba inan isin-rua no labarik ki'ik sira. Ami nia pakote rekuperasaun ekonómiku aumenta ba ami nia asisténsia dezenvolvimentu regulár kada tinan ho montante dolar Australianu millaun 100, tanba rekonhese katak pandemia COVID-19 hamosu difikuldade finanseiru.
- 02 Distribui ona vasina AstraZeneca ne'ebé prodúz iha Austrália ho montante 50,000 tan ba Timor-Leste hodi tulun kampaña vasinasaun nasionál Faze Daruak nian. Total ba Austrália nia vasina hamutuk 70,000 to'o ona mai Timor-Leste, no vasina barak tuir tan mai aliña tuir ami nia kumprimisiu hodi asegura Timor-Leste nia populasaun bele atinje kobertura universal.
- 03 Fornese tan osan dolar Australianu millaun 50 ba COVAX hodi asegura kobertura vasina ne'ebé komprehensivu ba ita nia rejiaun, inklui Timor-Leste. Ho ida ne'e Austrália nia kontribuisaun ba COVAX hamutuk dolar Australianu millaun 130. Ami haksolok tebes haree vasina AstraZeneca ne'ebé distribui husi COVAX hamutuk 100,000 to'o mai Timor-Leste iha loron 9 Juñu, hodi suplementa doze 24,000 ne'ebé mak to'o ona iha ne'e iha fulan Abríl.



04

Fornese silindru oksijéniu médiku hamutuk 184 hodi tulun Ministériu Saúde fó tratamentu ba pasiente COVID-19 ne'ebé ho kondisaun grave. Ami mós fornese mákina rayxis ne'ebé sei uza hodi tulun halo diagnóstika ba komplikasaun ruma ne'ebé relaciona ho COVID-19.

05

Kontinua halo parseria ho Protesaun Sívil no Ministériu Solidaridade Sosiál no Inkluzsaun hodi tulun ema hirak ne'ebé mak afetadu tanba inundaun iha períodu Páskua no anin-boot iha Bebonuk foin dadauk ne'e. Ami mós fornese ona distribuisaun materiál emerjénsia umanitária, mákina filtru bee nian no sasán ijiéniku ho sasán dapuur nian ne'ebé prezisa hodi tulun esforsu hirak ne'ebé mak la'o hela. Ho apoia husi Austrália nia programa PARTISIPA, Bee Timor-Leste transporta ona bee hamutuk litru millaun 18 resin ba sentru evakuasaun sira no ba comunidade sira ne'ebé mak afetadu tanba inundaun.

Nu'udar belun no viziñu, Austrália no Timor-Leste iha interese komun atu iha rejiaun ne'ebe ho saúde, seguru no prósperu. Ami nia pakote rekupersaun ekonómiku ho montante dolar Australianu millaun 20 (dolar Amerikanu millaun 15.5) sei tulun Timor-Leste nia uma kain sira no mós estimula atividade ekonómiku.



Prezidente Repúblika Demokrátiku Timor-Leste S.E. Francisco Guterres Lú-Olo ho nia Espoza Cidália Nobre Guterres simu sira nia vasina AstraZeneca ne'ebé prodúz iha Austrália iha Pálasiu Prezidente.

Atu nafatin atualiza ho informasaun tuir mai, tuir ami nia pájina Facebook 'Australia in Timor-Leste'. Ita bele hetan ami nia buletín nia edisaun antigu sira iha ami nia sítiu internet.

